

Prilog 1: PROJEKTNI ZADATAK - ToR

Projekat "Improving the Legal Framework for Philanthropy"

O projektu

Fondacija Mozaik zajedno sa vodećim organizacijama koje rade na razvoju filantropije u Bosni i Hercegovini, Hastor fondacijom, organizacijom Mreža za izgradnju mira i organizacijom Pomozi.ba, kao i sa partnerskim organizacijama iz Republike Srbije – Trag fondacijom i Catalyst Balkans, provodi projekat "Improving the Legal Framework for Philanthropy". Cilj projekta je unapređenje zakonodavnog i fiskalnog okvira, kao i stvaranje podsticajnog okruženja za razvoj filantropije u Bosni i Hercegovini, a projekat će biti realizovan u periodu od 12.08.2020. do 11.08.2024. godine.

Projekat podržava Američka agencija za međunarodni razvoj USAID BiH.

Ciljevi projekta su:

- ✓ Unapređenje međusektorske saradnje u cilju razvoja lokalne filantropije kroz uspostavljanje i razvoj platforme za saradnju Filantropski forum, koja treba da predstavlja neformalni stub daljeg razvoja ekosistema filantropije u BiH;
- ✓ Unapređenje pravnog okvira i stvaranje podsticajnog okruženja za razvoj filantropije u lokalnim zajednicama kroz uspostavljanje međusektorskog dijaloga, participativan proces kreiranja prijedloga za pravno-fiskalne izmjene i proces inovativnog zagovaranja za unapređenje javnih politika u ovoj oblasti.

Projekat će identifikovati i predstaviti najbolje modele i konkretne preporuke za unapređenje pravnog okvira, zasnovane na analizama i istraživanjima, a u pravcu daljeg razvoja filantropskog okruženja u Bosni i Hercegovini.

Ciljne grupe:

Članovi i članice Filantropskog foruma, sektorskih i međusektorskih grupa iz javnog, poslovnog i civilnog sektora. Filantropski forum kao i sektorske i međusektorske grupe bit će formirane u okviru projekta.

Projektni zadatak – konsultantske usluge

Izabrani ponuđač će biti angažovan kao ekspert – stručni konsultant za unapređenje pravnog i fiskalnog okvira za razvoj filantropije i biće u obavezi da realizuje zaduženja iz tri oblasti djelovanja na državnom, entitetskom i kantonalnom nivou, uključujući i Brčko Distrikt:

- Analiza pravnog okvira, zakona, propisa, uredbi i mišljenja, u cilju izrade preporuka i koraka koje bi trebalo preduzeti kako bi se stvorilo podsticajno okruženje za razvoj filantropije na državnom, entitetskom i kantonalnom nivou, uključujući i Brčko Distrikt;
- Podrška u kreiranju preporuka za unapređenje politika na osnovu rezultata početne pravne analize i analize ekonomskih eksperata. Preporuke moraju uključiti konkretne prijedloge za izmjenu relevantnih zakona i/ili podzakonskih akata;

- Učešće na sastancima sa ključnim donosiocima odluka, učešće na međusektorskim sastancima sa predstavnicima javnog, poslovnog i civilnog sektora, učešće na relevantnim sastancima u okviru projektnog tima.

Specifični zadaci su sljedeći:

- ✓ Izrada početne analize pravnog okvira, zakona, propisa, uređaba i mišljenja, sa posebnim osvrtom na Zakon o porezu na dobit pravnih lica, Zakon o porezu na dohodak građana, zakona koji se odnose na porez na promet nekretnina i porez na nasljeđe i poklone, Zakon o udruženjima i fondacijama, Zakon o igrama na sreću, Zakon o volontiranju, Zakon o PDV-u, a sa ciljem izrade preporuka i koraka koje treba preduzeti kako bi se stvorilo podsticajno okruženje za razvoj filantropije lokalne zajednice. Detaljno istraživanje pravnog okvira bi trebalo da obuhvati entitetski, kantonalni i državni nivo kao i Brčko Distrikt. Osnovna analiza bi trebalo da uključi i komparativnu analizu međunarodnog i domaćeg poreskog sistema i poreskih propisa sa ciljem identifikovanja uspješnih modela na međunarodnom planu koji bi bili primjenjivi u postojećem pravnom sistemu Bosne i Hercegovine, Federacije Bosne i Hercegovine, Republike Srpske i Brčko Distrikta, a odnose se na pojedince i pravna lica.
- ✓ Podrška u kreiranju šest konkretnih preporuka za unapređenje pravnog okvira na osnovu rezultata provedene osnovne pravne analize i analize ekonomskih eksperata. Preporuke moraju podrazumijevati izmjenu ili kreiranje nacрта relevantnih zakona i/ili podzakonskih akata. Uz kreiranje konkretnih preporuka neophodno je definisati korake koje je potrebno preduzeti kako bi se stvorilo podsticajno okruženje za razvoj kulture filantropije lokalne zajednice.
- ✓ Podrška predavljanju preporuka za unapređenje pravnog okvira u direktnom kontaktu sa donosiocima odluka, kao i u okviru različitih sektorskih i međusektorskih sastanaka, kao i predavljanje u javnosti. Međusektorski sastanci uključuju predstavnike i predstavnice javnog, poslovnog i civilnog sektora, a cilj im je diskusija preporuka za unapređenje politika, identifikacija izazova u provođenju i kreiranje koraka za prevazilaženje izazova.
- ✓ Podrška u unapređenju preporuka na osnovu povratnih informacija dobijenih kroz međusektorske sastanke koji uključuju predstavnike i predstavnice javnog, poslovnog i civilnog sektora.
- ✓ Izrada završne analize pravnog okvira i preporuka za unapređenje pravnog i fiskalnog okvira kako bi se stvorilo podsticajno okruženje za razvoj filantropije lokalne zajednice. Završna analiza trebalo bi da uključi osvrt na početnu analizu, povratne informacije za unapređenje od javnog, poslovnog i civilnog sektora, identifikaciju prepreka ka ostvarenju preporuka i načine da se te prepreke prevaziđu. Na osnovu svih navedenih informacija neophodno je sastaviti nove preporuke koje će članovi Filantropskog foruma koristiti u cilju daljeg razvoja i podrške unapređenju pravnog okvira za razvoj filantropije u Bosni i Hercegovini.
- ✓ Izrada svih dodatnih analiza u skladu sa informacijama i potrebama dobijenih kroz međusektorske sastanke od javnog, poslovnog i civilnog sektora, kao i kroz rezultate analiza troškova i koristi za specifične teme.
- ✓ Prisustvo na sastancima vezanim za unapređenje pravnog okvira u okviru projekta, po potrebi.

Trajanje angažmana: novembar 2020. godine - juli 2024. godine (sa većim obimom posla u prvih 18 mjeseci).

Mjesto realizacije projektnog zadatka: Teritorija Bosne i Hercegovine.

Lista neophodnih kvalifikacija za obavljanje poslova iz projektnog zadatka:

- Pravno lice ili advokatska kancelarija registrovana na teritoriji Bosne i Hercegovine,
- Minimum pet godina iskustva u analizi i izradi preporuka za izmjenu i unapređenje relevantnih zakona i/ili podzakonskih akata, po mogućnosti u projektima koje je podržao USAID-a,
- Minimum tri godina iskustva u saradnji sa organizacijama civilnog društva u oblastima unapređenja pravnog okvira.